



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatus De Iurisdictione Episcoporum Germaniae

Wintzler, Christoph

Coloniae, 1614

4. Ordinatio Reuerendißimi inter Magistrum & latores litterarum ac super aliis anno 9. in Octobri publicata.

urn:nbn:de:hbz:466:1-10387

Ordinatio Reuerendissimi inter magistrum & latores litterarū ac super aliis anno, in 9. Octob. publicata.

FERDINANDVS Dei Gratia, &c. Curantea quæ circa Executionem Mandatorum & officium Magistri latorum nuper ordinata, ac publicata sunt cū omnibus, inter procuratores Notarios & Curia Archiepiscopalis Coloniensis & Magistrum Latorum inde exortis differentiis, de nouo examinari, reuideri, & de iis hanc declarationem fieri quam serio mandat, vsque ad reuocationem, in omnibus & singulis ad amulsim seruari.

1. Magister Latorum sit continuo præsens in Ciuitate, & in suo officio diligens, iuxta ordinationem subdata 1. Aprilis Anno 1607. nec sit Aduocatus vel sollicitator in aliqua causa coram Officiali pendente, sub pœna suspensionis ex nunc vel etiam amotionis officii, pro arbitrio Principis.
2. Officium Cursoris diligenter administret cum virga argentea, præcedendo Officialem ad Audientiam euntem, & inde domum redeuntem, exequendo Mandata in Ciuitate Coloniens. & reliqua faciendo, quæ ab antiquo huic officio incubuerunt, etiam nunc incumbunt, sub pœna duorum florenorum aureorum, singulis vicibus, quoties omiserit, sigillifero soluendorum.
3. De causis Westphalicis & Appellationum, utpote ad eius officium antiquitus non pertinentibus, sese non intromittat, iuxta §. Item Sigillifer &c. dictæ ordinationis de Anno 1607. 1. Aprilis.
4. Moræ periculum non ipsius, sed Officialis arbitrio & discretioni relinquatur, sine aliquo concordig lucro, seruato modo eiusdem Ordinationis in §. fin etiam partes.
5. Latores in suo officio contineat, eorum excessus

& defectus sedulo inquirat, corrigendos & semo-
mouendos ad Dominum Officialem, & sigillife-
rum maiorem singulis mensibus referat.

6. Mandata pro sigillatione ad sigilliferum mino-
rem deferat, necessario impeditus, signata per lato-
res vel partes, sigillanda transmittat, sigillata ad exe-
quendum, executata ad reproducendum sine proera-
stinatione & affectione distribuat omnibus, ad pro-
thocollum suum relatis,

7. Quinque duntaxat Latores erunt Ordinarii,
prout hactenus, reliquis omnibus remotis, qui o-
mnia & singula mandata, sine aliquo discrimine exe-
quentur, & si forte non sufficiant, vel omnes ali-
quando abesse contingat, in euentum & subsidium
iuxta §. Et quinque tantum, &c. d. Ordinationis v-
nus atque alter per Dominum Officialem & Sigilli-
ferum maiorem ad hoc qualificatus, & assumptus, ab-
legabitur.

8. Huiusmodi Latores non emant, nec suscipiant in se
lites, vel solutiones neque de quota litis paciscantur
nec partes ad litigandum sub promissione victoriae
vel honorarii incitent, sub poena priuationis.

9. In reliquis punctis, Magister & Latores serua-
bunt ordinationes, reformationes, ac leges antehac
publicatas, & seruari mandatas, donec aliud cum
causae cognitione ordinatum fuerit.

10. Executiones autem mandatorum non aliter
nec ab aliis quam Iuratis latoribus, vel per eorum,
directionem à locorum Parochis factae recipientur
nec validae erunt, nisi pars Citata compareat, & vltro
se submittat.

11. Pari modo non recipientur, nec validi erunt,
imposterum actus, vel contractus aliqui, coram ali-
is, quam in Cancellaria per ad hoc deputatis, exa-
minatis admissis, & immatriculatis Notariis, legiti-
me celebrati, & ad formam prothocollis redacti.

12. Praeter haec reperiuntur passim magni abusus, &
inutiles termini circa processum, de accusando cõtu-
macia, protestando de absentia Dñi, de fatalibus nõ la-
psis neq; labedis, citra exhibitionem alicuius diligentia
petea-

petendo Iustitiam, vel simile quid, &c. Ideo mandat Sua Seren. ne procuratores aliquos inutiles terminos proponant, nec propositos Notarii ad Acta redigant, sub reiectionis Actorum, & alia arbitraria poena, quod si verò necessitas postulet, prout non raro exigit, Aduersarium de purganda contumacia, & Iudicem de administranda Iustitia interpellare, aliasque de adhibita diligentia, & non labendis fatalibus protestari, poterit huiusmodi interpellatio & protestatio iterum, ac sæpius fieri, sed non, nisi ter, sine aliqua extensione ad Acta redigetur, Et si causæ appellationis decisio, in secundum, tertium, & plures Annos, interueniente impedimento differatur, singulis annis ternam instantiam siue protestationem de fatalibus non lapsis, neque labendis, ad Acta registrare licebit.

13. Causas exigui momenti & infra decem daleros, sine strepitu, & figura iudicii ac appellatione, Officialis cognoscat, salua reuisione vel restitutione in integrum.

14. Supra decem daleros, intra summam priuilegii de non appellando ad Cameram bis committat, ipsemet vero tertio cognoscat & decidat iuxta reformationes antehac publicatas.

15. Ad Cameram appellabiles, ad minus semel committat, & in secunda instantia ipsemet cognoscat, relicta facultate appellandi ad quemcunque superiorem.

16. Et quo melius hæc omnia seruari valeant, grauatus non nisi gradatim sine omissione medii ad Officialem, sub poena suspensionis procuratorii aliasque arbitraria, appellare, & causam introducere debet.

17. Cum & remedium L. diffamari, C. de ingen. & manumifs. in magnum abierit abusum, quo subditi indifferēter in omnibus & singulis causis, etiam sine præuia legitima diffamatione ad proponendum Actiones citantur, cum annexa inhibitione contra partes & iudices de non procedendo, eoque modo, vel alias citati coram iudice citante actiones suas proponere coguntur; quod cum in præiudicium aliorum Ordinariorum Iudiciorum tendat, Iurique aduersetur, quo permittitur citato veluti Actori vnum ex pluribus competentibus iudicem eligere, coram quo Actiones suas proponere velit, Ideo vbi citatus iam ante vel infra terminum à citante iudice constitutum Actiones suas coram alio Ordinario Iudice proposuit, de quo documentum exhibeat, præcipit Sua Seren. Citatum eò, sine mora remittere, nec in futurum Citationi ad proponendum Actiones, &c. Inhibitionem annectere. Quæ omnia & singula Reueren. Sua Seren. sic vti præmittitur, vsque ad vltiorem ordinationem firmiter obseruari ac manuteneri statuit, ac mandat. In quorum fidem præsentis litteræ eiusdem S. Serenit. manu subscriptæ & Archiepiscopalis sigilli subappressione sunt communitæ, Datæ Bonnæ, Anno 1609. die 7. Mensis Octobris.

Publicatum 26. eiusdem Mensis Colonia, in Aula Archiepiscopali, præsentibus Cancellario, & alijs quibusdam Consiliarijs Reuerendissimi, necnon omnibus illius Consistorij Officiarijs.

Edictum